

## A Dua renggat ajar:

### ❖ Pun ajar. Mark 8:22-30.

- Pengawa ajih ke dirikod ba Mark 8:22-26 meh, bansa pengawa ajih ke pengabis nyelai digaga Jesus.
- Keterubah utai dipeda iya kelabur, nyau kedua kali nya baru iya ulih meda enggau terang.
- Pengawa ajih tu deka nyadi ke sempama ba chara ti deka diajar Jesus ngagai bala murid, dikenya nyikap sida enggau naka ulih meretika misi penyelamat iya.
- Ba renggat ti keterubah bala murid udah datai ba pemutus ke alai Jesus meh Kristus. Dikena nentuka pemendar nya bisi dalam runding sida, ari nya Jesus ngasuh sida nyebut nya ari ti meri sida tanya ke terus enggau ke enda terus (*Mark 8:27-29*).
- Sida patut anang guai nginggarka pekara nya dulu, laban sida lalu apin nemu enggau penuh (*Mark 8:30*).

### ❖ Penemu ti penuh. Mark 8:31-38.

- Ba renggat ti kedua ajar Jesus, jaku iya terang amat: penulak, pemati enggau pengangkat (*Mark 8:31-32*). Enda mukai-mukai bisi utai nyeruga dalam runding Peter: “Allah Taala enda nyagi utai nya nyadi, Tuhan! Utai nya enda tau sekali-kali nyadi ba Nuan” (*Mark 8:32; Mat. 16:22*).
- Enggau enda disadang, Peter nyau ngena chara ke dikenya Sitan ba menua puang (*Mat. 4:8-9; Mark 8:33*). Tu meh jalai mudah ke mai Jesus ngagai perintah dunya, lalu jalai ke mar deka mai iya bulih penyelamat unggup bala kitai.
- Enda semuti naka nya aja. Bala nembiaik iya enda tau enda sanggup nengah jalai pedis nya: ngesan regang lalu idup tauka mati kategal pemerlunya penyelamat ke besai rega, lalu nulung orang bukai mega bulih penyelamat nya (*Mark 8:34-38*).

## B Ajar pasal perintah serega:

### ❖ Perintah diatu enggau perintah deka datai. Mark 9:1-13.

- Peter, James enggau John enda mereti enggau penuh, utai ke dipeda sida ba bukit, laban tu meh seling pasal perintah mulia, lalu chunto mit ke ngelambangka penatai Jesus ti kedua (*Mark 9:1-4*).
- Utai ke terang ditemu sida, sida deka diau ba endur nya (*Mark 9:5-6*). Lebuh maya nya sida nadai nemu reti ke bendar jaku ke disebut Moses seduai Elijah ngagai Jesus (*Luke 9:30-31*).
- Ngambika orang ke mati dalam Kristus, ke dilambangka Moses, enggau orang idup ke taluk ba timpuh penudi, ke dilambangka Elijah, ulih sama tama ngagai mulia ke nyadi kebuah alai Jesus mati ba Jerusalem.
- Udhak ke nurun ari bukit, gaya perintah ke diatu lalu terang agi dipeda sida. Pengarap ti kurang tentu deka ngerusakka langkar iya. Bala rasul udah kurang pengarap, lalu apai ke asa nyau nadai agi utai diadang (*Mark 9:14-22*).
- Enti pengarap bisi, semua utai ulih nyadi. Tang enti pengarap nuan kurang, awakka nuan bejaku munyi apai orang tu: “Aku arap! Tulung aku ngambika pengarap aku besai agi” (*Mark 9:24*).

### ❖ Pengabis besai ba perintah serega. Mark 9:30-41.

- Jesus ngepunka pejalai iya ngagai Jerusalem ari Siseria lalu ngetu ba Kapernaum. Iya ngena peluang tu ngajar sereta nyikap bala murid (*Mark 9:30-33*).
- Tang bala murid balat enda meretika utai ti deka diajar Jesus ngagai sida, sida besebangka sapa ti pengabis besai lebuh Jesus madahka diri raja di Jerusalem (*Mark 9:34*).
- Lebuh ti ngajar sida pasal sapa ke pemandu besai ba perintah serega, iya madahka sida dua iti pekara:
  - (1) Ajar keterubah (*Mark 9:35-37*): Ngambi siku nembiaik mit, lalu iya nerangka sapa ti pengabis besai ba perintah serega: orang ti keterubah deka nyadi pemandu dudi; pemandu besai nyadi ulun; ke pengabis mit sereta baruh ati patut diintu sebaka enggau Kristus Empu.
  - (2) Ajar kedua (*Mark 9:38-41*): Genap iku orang bisi bagi pengawa ti dikereja, nadai siku orang patut dikelaung lebuh ngereja pengawa Tuhan, taja pen enti pengawa nya enda besai.

### ❖ Bakani tama perintah serega. Mark 9:42-50.

- Tanchang batu kisar ba rekung lalu muai diri ke tasik; tetak jari enggau kaki, lalu keruk igi mata. Tu tentu jalai ti nyelai dikenya nyelamatka diri empu, enda pia? (*Mark 9:42-48*).
- Enti kitai ngena ayat tu enggau chara ti literal, baka sekeda orang ti bekenaka genteran jaku “ulat ti makai sida enda nemu mati, lalu api enda nemu padam” (*Mark 9:46, 48*), ari nya kitai tentu deka datai ba simpul jaku ke munyi tu:
  - (1) Orang ke ditebus deka idup belama ia dalam tubuh ti tachat.
  - (2) Orang ti bedosa deka idup dalam pemedis belama ia, taja tubuh sida nadai penimpang.
- Pelajar ari tu chukup terang: laban dosa tu pemandu jai, ari nya nuan enda tau enda ngelengkaka iya enggau nadai betangguh.
- Dosa tu pedis amat dilengka sereta begunaka bekorban, taja pia asil iya besai bendar, laban dudi hari kitai deka bulih pengelantang (*Mark 9:49-50*).